



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CDXXXVIII. Kurfürst Joachim vereignet dem Rathe zu Frankfurt eine Zollhebung, welche Claus Wins zu Lehn trägt, am 9. März 1530.

Nutzungsbedingungen

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

CDXXXVIII. Kurfürst Joachim vereignet dem Rathe zu Franckfurt eine Zollhebung, welche Claus Wins zu Lehn trägt, am 9. März 1530.

Wir Joachim, von gots gnaden Marggraue zu Brandenburg, Des heyligenn Romischen Reichs Ertzkamerer vnd Churfurt, zu Stettin, Pommern, der Cassuben vnd Wenden Herzogk, Burggraue zu Nurenberg vnd Furt zu Rugen, Bekennen vnd thun kunth offentlich mit diesslem briue vor vns, vnser Erben vnd nachkomen Marggrauen zu Brandenburg vnd sunst vor ydermeniglich, Das wir angesehen vnd erkant haben getrewe, willige vnd vleiffige diast, so vns vnser Liebe getrewen Burgemeister vnd Rathmanne vnser Stadt Franckfurth an der ader offtmals vnd vil gethan het vnd hinfurder auch woll thun sollen vnd wollen. Darumb vnd auf sondern gnaden, Damit wir Inen gnaigt, Inen vnd Iren nachkomen Rath vnd Burgern vnser Stadt Franckfurth vnd zu einem rechten ewigen eygenthumb gegeben vnd vorschriben haben, vnd thun Das hirmit gegenwertiglich Inn craft vnd macht dits briues, achtzehen Schogk Jerlicher Zinsz vnd Rente Im Zoll vff Irem Rathhawfz daselbst zu Franckfurth, so vnser Bürgemeister zu Franckfurth Claues winsz biszher von vns vnd vnser hersehafft Inn lehen vnd Besizung gebracht hatt, also das sie vnd Ire nachkomen Dieselben Achtzehen Schogk Jerlicher Zinsz vnd Rente nue hinfurder zu einem rechten ewigen eygenthumb haben vnd gnanten Claues Winsen vnd seinen meinlichen leibs lehens Erben, so oft not ist, zu Manlehen leyhen, Der sie auch zu ieglicher Zeit, so oft es nott ist, durch sich oder sein menlich leibs lehens Erben von Inen vnd Iren nachkommen zu Manlehen nehmen vnd empfaen, Auch Inen daruon thun vnd pflegen, wie Manlehens recht vnd gewonhait ist, Denn wir auch hirmit gegenwertiglich mit solchen zinzen vnd pechten an sie weysen vnd Inen vnd seinen meinlichen leibs lehens Erben, die furder von vns vnd vnsern Erben zu empfangen vorlassen. Beuethen daruff dir genanten Claues Winsen, das dw vnd deine Menliche Leibs lehens Erben die vorgnanten Achtzehen Schogk Zinsz Im Zoll zu Franckfurth, Inmassen dw die biszher von vns zu lehene getragen, nue forder von dem Rath zu Franckfurth, vnd Iren nachkommen zu iglicher Zeit, so oft not ist, nehmeft vnd empfaht, auch darvon thust vnd pflegft, wie solcher lehen recht vnd gewonheit ist, Doch darnach wissen zu richten, Doch was zu iglicher Zeit daruon gefallen oder wo es vorlediget, Das solchs Inn vnser Stadt Franckfurt nutz vnd bestes gewant vnd gekeret werd, alles getrewlich vnd vngeuerlich. Zu urkundt mit vnserm anhangenden Ingeliggell vorsigelt vnd Gegeben zu Coln an der Sprew, am Dinstag nach Letare, Christi vnsern hern gepurt Taufent funffhundert vnd Im dreyffigsten Jar.

Nach dem Orig. des Stadtarchives Var. 73.